

VENDIM
Nr. 541, datë 7.8.2014

PËR NJË SHITESË FONDI NË BUXHETIN E VITIT 2014, MIRATUAR PËR DISA
INSTITUCIONE, PËR FESTIMET E 70-VJETORIT TË ÇLIRIMIT TË VENDIT
(ndryshuar me VKM nr. 665, datë 8.10.2014)

(i përditësuar)

Në mbështetje të nenit 100 të Kushtetutës, të nenit 5, të ligjit nr. 9936, datë 26.6.2008, “Për menaxhimin e sistemit buxhetor në Republikën e Shqipërisë”, dhe të neneve 10 e 13, të ligjit nr. 185/2013, “Për buxhetin e vitit 2014”, me propozimin e ministrit të Financave, Këshilli i Ministrave

VENDOSI:

1. Ministrisë së Mbrojtjes, në buxhetin e miratuar për vitin 2014, në programin “Planifikim, menaxhim, administrim”, zëri “Shpenzime korrente”, t’i shtohet fondi prej 10 066 000 (dhjetë milionë e gjashtëdhjetë e gjashtë mijë) lekësh, për prodhimin e medaljeve përkujtimore dhe organizimin e ceremonisë ushtarake për 70-Vjetorin e Çlirimit.

2. Ministrisë së Mirëqenies Sociale dhe Rinisë, në buxhetin e miratuar për vitin 2014, në programin “Planifikim, menaxhim, administrim”, zëri “Shpenzime korrente”, t’i shtohet fondi prej 5 000 000 (pesë milionë) lekësh, për organizimin e koncertit me rastin e përvjetorit të Konferencës së Pezës.

3. Ministrisë së Punëve të Brendshme, në buxhetin e miratuar për vitin 2014, në programin “Policia e Shtetit”, zëri “Shpenzime korrente”, t’i shtohet fondi prej 1 000 000 (një milion) lekësh, për dekorimin e disa punonjësve të Policisë së Shtetit me rastin e 70-Vjetorit të Çlirimit të Vendlit’.

4. Ministrisë së Kulturës, në buxhetin e miratuar për vitin 2014, në programin “Arti dhe kultura”, zëri “Shpenzime korrente”, t’i shtohet fondi prej 5 300 000 (pesë milionë e treqind mijë) lekësh, për organizimin e ekspozitës “Shqipëria 70 vjet imazhe, 1944 – 2014”.

5. Drejtorisë së Përgjithshme të Arkivave, Arkivit Qendror të Shtetit, në buxhetin e miratuar për vitin 2014, në programin “Planifikim, menaxhim, administrim”, zëri “Shpenzime korrente”, t’i shtohet fondi prej 2 100 000 (dy milionë e njëqind mijë) lekësh, për realizimin e albumit fotografik me fotografi nga Lufta Antifashiste Nacionalçlirimtare.

6. Efektet financiare prej 23 466 000 (njëzet e tre milionë e katërqind e gjashtëdhjetë e gjashtë mijë) lekësh, që rrjedhin nga zbatimi i këtij vendimi, të përballohen nga fondi i kontingjencës, i miratuar në buxhetin e vitit 2014.

7. Ngarkohen Ministria e Financave, Ministria e Mbrojtjes, Ministria e Punëve të Brendshme, Ministria e Kulturës, Ministria e Mirëqenies Sociale dhe Rinisë dhe Drejtoria e Përgjithshme e Arkivave për zbatimin e këtij vendimi.

Ky vendim hyn në fuqi menjëherë dhe botohet në Fletoren Zyrtare.

KRYEMINISTRI
Edi Rama